



Deddf Seilwaith (Cymru) 2024

2024 dsc 3

RHAN 3

GWNEUD CAIS AM GYDSYNIAD SEILWAITH

Y weithdrefn cyn gwneud cais

30 Ymgynghoriad a chyhoeddusrwydd cyn gwneud cais

- (1) Rhaid i berson sy'n cynnig gwneud cais am gydsyniad seilwaith ("y ceisydd") gynnal ymgynghoriad ar y cais arfaethedig.
- (2) Caiff rheoliadau wneud darpariaeth ar gyfer yr ymgynghoriad, neu mewn cysylltiad â'r ymgynghoriad, sy'n ofynnol o dan yr adran hon, gan gynnwys (ymhlith pethau eraill) ddarpariaeth—
 - (a) ynghylch y personau neu'r personau o ddisgrifiad y mae'n ofynnol ymgynghori â hwy;
 - (b) ynghylch sut y mae'r ymgynghoriad i'w gynnal (gan gynnwys ffurf a chynnwys dogfennau, gwybodaeth a deunyddiau eraill sydd i'w darparu i berson at ddibenion yr ymgynghoriad neu mewn cysylltiad â'r ymgynghoriad);
 - (c) ynghylch y materion i ymgynghori arnynt, gan gynnwys (ymhlith pethau eraill) fanteision y datblygiad arfaethedig i bobl sy'n byw yn ardal y datblygiad arfaethedig;
 - (d) ynghylch ymateb i'r ymgynghoriad (gan gynnwys darpariaeth sy'n ei gwneud yn ofynnol i berson neu ddisgrifiad o berson yr ymgynghorir ag ef ymateb i'r ymgynghoriad neu ymateb i'r ymgynghoriad mewn modd penodol, neu ymateb o fewn adeg benodol);
 - (e) ynghylch yr amserlen mewn cysylltiad â chynnal yr ymgynghoriad;
 - (f) yn ei gwneud yn ofynnol i berson yr ymgynghorir ag ef yn rhinwedd paragraff (a) lunio a chyhoeddi adroddiad ynghylch cydymffurfedd y person ag unrhyw ofyniad a osodir yn rhinwedd paragraff (d) neu (e) (gan gynnwys ffurf a chynnwys yr adroddiad ac ar ba adeg y mae i'w wneud).

Statws This is the original version (as it was originally enacted). Dim ond ar
ei ffurf wreiddiol y mae'r eitem hon o ddeddfwriaeth ar gael ar hyn o bryd.

- (3) Rhaid i'r ceisydd roi cyhoeddusrwydd i'r cais arfaethedig yn y modd a bennir mewn rheoliadau.
- (4) Os yw adran 29 yn gymwys i gais arfaethedig, nid yw cam a gymerir mewn cysylltiad â'r cais arfaethedig cyn y dyddiad y rhoddir yr hysbysiad gan Weinidogion Cymru o dan adran 29(4) i'w drin fel ymgynghoriad neu gyhoeddusrwydd o dan yr adran hon.